



TOSHKENT DAVLAT YURIDIK UNIVERSITETI REKTORINING B U Y R U G ' I

12.06.2024

99-um-son

Toshkent davlat yuridik universiteti talabalari hamda TDYU qoshidagi M.S.Vosiqova nomidagi akademik litsey o'quvchisiga Akademik Xadicha Sulaymonova nomidagi stipendiya ajratish to'g'risida

Toshkent davlat yuridik universiteti rektorining 2023-yil 12-yanvardagi "O'zbekistonda xizmat ko'rsatgan fan arbobi, akademik Xadicha Sulaymonovaning 110 yillik yubileyini munosib kutib olish va o'tkazish to'g'risida"gi 13-um-son buyrug'ida belgilangan vazifalar ijrosini ta'minlash, yurisprudensiya sohasida muvaffaqiyatga erishgan mashhur o'zbek ayol vakillaridan biri Xadicha Sulaymonovaning hayoti va kasbiy faoliyatini yoshlar, ayniqsa huquqshunoslar orasida keng targ'ib qilish, Xadicha Sulaymonova yurisprudensiyadagi faoliyatiga bo'lgan qiziqishni yanada oshirish, ularning bu boradagi faolliklarini qo'llab-quvvatlash hamda Toshkent davlat yuridik universiteti talabalari, akademik litsey o'quvchilariga Xadicha Sulaymonova nomidagi maxsus stipendiya ajratish bo'yicha Komissiya yig'ilishining 2024-yil 5-iyundagi 2-son yig'ilish bayoniga muvofiq,

BUYURAMAN:

1. Toshkent davlat yuridik universiteti (bundan buyon matnda – universitet) talabalari, TDYU qoshidagi M.S.Vosiqova nomidagi akademik litsey (bundan buyon matnda – akademik litsey) o'quvchilariga Xadicha Sulaymonova nomidagi maxsus stipendiya ajratish bo'yicha Komissiya (bundan buyon matnda – komissiya) yig'ilishining 2024-yil 5-iyundagi Komissiya yig'ilishining 2-son bayoni ma'lumot va ijro uchun qabul qilinsin.

2. Xadicha Sulaymonova nomidagi maxsus stipendiya ajratish bo'yicha 2 bosqichda o'tkazilgan tanlovda 80 dan ortiq talaba va o'quvchilar ishtirok etganligi, nomzodlar tomonidan amalga oshirilgan ishlar komissiya tomonidan belgilangan tartib asosida ko'rib chiqilganligi hamda nomzodlar orasidan universitetning 3 nafar talabasini va akademik litseyning 1 nafar o'quvchisini maxsus stipendiya bilan taqdirlash uchun tavsiya etilganligi inobatga olinsin.

3. 2024/2025-o'quv yili uchun quyidagi talabalar Toshkent davlat yuridik universitetining Xadicha Sulaymonova nomidagi maxsus stipendiya (bundan buyon matnda – Maxsus stipendiya) bilan taqdirlansin:

Ommaviy huquq fakulteti 2-kurs talabasi **Ro'ziqulova Feruza Maxmudjon qizi**;

Jinoiy odil sudlov fakulteti 2-kurs talabasi **Ibrohimova Sitara Ilhomjon qizi**;

Xususiy huquq fakulteti fakulteti 3-kurs talabasi **Juraboyeva Mahbuba Asqarbek qizi**.

4. 2024/2025-o'quv yili uchun TDYU qoshidagi M.S.Vosiqova nomidagi akademik litseyning 1-kurs o'quvchisi **Tolibjonova Yodgora Begzodbek qizi** Toshkent davlat yuridik universitetining Xadicha Sulaymonova nomidagi maxsus stipendiya bilan taqdirlansin.

5. Stipendiyani qo'lga kiritgan talabalar va o'quvchiga 2024/2025-o'quv yili (sentyabr–iyun oylari) davomida bir marta belgilanadigan miqdorga qat'iy rioya qilgan holda quyidagi tartibda stipendiya tayinlansin hamda oyma-oy to'lab borilsin:

universitet talabalari uchun oliy ta'lim muassasalari talabalariga belgilangan bazaviy stipendiyaning bir yarim baravari miqdorida;

akademik litsey o'quvchisi uchun oliy ta'lim muassasalari talabalariga belgilangan bazaviy stipendiya miqdorida.

6. Buxgalteriya (M.Parpiyev);

mazkur stipendiya bilan taqdirlangan universitet talabalariga stipendiya to'lovlarini oyma-oy belgilangan miqdorga qat'iy rioya qilgan holda budjetdan tashqari mablag'lar hisobidan to'lab borilishini ta'minlasin;

mazkur stipendiyani qo'lga kiritgan akademik litsey o'quvchisining stipendiya to'lovini tegishli tartibda budjetdan tashqari mablag'lari hisobidan moliyalashtirilishini ta'minlasin.

7. Ma'naviyat va ma'rifat markazi (Sh.Po'lotov):

stipendiya bilan taqdirlangan talabalarga stipendiya guvohnomasini tantanali vaziyatlarda taqdim etish choralari ko'rsin;

fakultet dekanlari bilan birgalikda stipendiyani qo'lga kiritish tartibi va uning ahamiyatini talabalar orasida keng targ'ib qilish orqali unda ishtirok etadiganlar sonini oshirish choralari ko'rsin;

Jamoatchilik va OAVlari bo'limi (J.Haydarov) bilan birgalikda maxsus stipendiya bilan taqdirlangan talabalar to'g'risidagi ma'lumotlarni universitet Internetdagi saytiga joylashtirish hamda ijtimoiy tarmoqlardagi sahifalari orqali keng targ'ib qilish choralari ko'rsin.

8. Ushbu buyruq ijrosini nazorat qilishni birinchi prorektor A.Xashimhonov hamda prorektor A.Iminov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Bosh buxgalter

M.PARPIYEV



Bo‘lim boshlig‘i

S.MAMANAZAROV



Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Katta yuriskonsult

A.TURSUNOV

